

新修慶陽府志卷之十二

風俗

傳曰上行下效之謂風衆心安定之謂俗又曰相噓成風相沿成俗是風俗之美要必有所倡也。

國家百有餘載設教覃敷是以士敦詩書民安耕鑿蒸蒸日進於上矣况自三代以來不窳開以朴公劉作之以勤馮異靖之以武懷英率之以忠作也非一人成也亦非一日山川風土果足以囿之孚志風俗。

慶陽府安化縣附

慶陽府志

卷之第十二 風俗

一

安定北地上郡西河皆迫近戎狄修習戰備高上氣力以射獵為

先 漢地理志

好稼穡勤本業民醇不訟士篤慤有文禮重喪祭尚義舉有古

豳之遺風 舊志

學以明性窮理為功尚博文強記文體有汪洋俊逸之氣 舊志

陶復陶穴以為居于貉為裘以禦寒婚喪倣古禮不惑於道異

教 舊志

民淳而不爭士篤慤而有文 宋章棻安化樓記

合水縣

勤務農樵習傳節儉 舊志

務耕作事樵採人無逐末依然古風 合水縣志

### 環縣

習武備尚文學地瘠力勤民朴訟少 環縣志

### 寧州

好稼穡務本業有先王之遺風 見漢志

性尚勇健不事浮靡學問相資閭里相濟 見寧州圖冊

### 正寧縣

賦性忠朴致力農祭 舊志

一冠禮不行久矣

一婚禮擇門戶男女年齒相當者結婚不重財禮自康熙五

### 慶陽府志

#### 卷之第十二 風俗

二

十三年以後物力漸艱貧家間有索聘者其儀以梭布四對白金十兩為率貧者遞減極貧者不過梭布一對而已嫁娶前一月納幣男家設宴邀兩家親友用鼓吹迎至女家女家具枕履等儀以答吉期間有行親迎之禮者否則備綵輿鼓次果盒倩幼婦二人往迎新人不用粧飾以紅幘覆頭面登轎母不親送亦用幼婦二人送之至門男先一揖中庭設香案以次成禮畢男即往女家拜謝親友男女別席讌賀夫婦行禮客答拜儀視納幣為減

一喪禮悉遵古制其豐儉隨人自盡殮用常服無賻儀三日內豎杆懸幡七日止延禮生用鼓吹送迎諸客首七行奠禮嗣後逢七焚紙哭拜卜葬則門外棚列銘方相等類於之左右發引前

二日行祭禮酬客不作佛事無力之家祇延僧誦經而已棺不久停  
近者七日遠者百日内或期年必塋小祥大祥及禫祭忌辰有行  
有不行者期功喪亦白巾素履婦女亦然

一祭禮家多設主無專廟間有置田者祭四時獨重清明男女皆赴  
塋拜掃祭用一羊或豕大蒸餅十二枚祭畢即於墓旁散福貧者  
隻鷄斗酒其日無長幼必至六月六日於墓前潑豆湯

一宴會主賓酬酢不設兼味亦無常品必具餅食以鑪花餅為上人各  
八枚餘以片肉加餅則客必携肉而歸以遺老稚

正月初一日元旦煎少長早起燃燈焚香禮天地五祀謁祖先供盤饌奠  
酒漿畢家長坐堂上子孫列拜飲歲酒及明親黨相慶賀門

慶陽府志

卷之第十一

風俗

三

貼畫鷄

立春日啖餅名曰咬春

十五日元宵節燃燈放花炮男女游觀豐年之兆

十六日土度出游向北方謂之散百病女人焚艾灸柏樹亦云灸百病  
二月初二日朝葯王洞遠鄉土女畢集

三月清明節拜掃墳墓新塋者於社前祭奠餘則於清明前是日  
婦女以鞦韆為戲

二十八日東嶽神會香火之盛遠倍他時

四月初八日靈湫神會拜迎聖水祈年

五月端陽節親朋各饋角黍 艾 門戶 雄黃酒以辟

六月六日汲水造酒麴

七月七日女紅乞巧於織女設蔬果拋芽水上察影以卜巧  
十五日祀先釋家作盂蘭會

慶陽府志

卷之第十二

風俗

四

新修慶陽府志卷之十二終